


Den entrevista cu Greta van Susterenn

Mama di Natalee a admiti cu tur dia e ta haya informacion di polis



ORANJESTAD (AAN): Aki lectornan por lesa, e entrevista di Dialuna anochi en vivo haci cu Beth Holloway Twitty cu Greta van Susteren di Fox News Channel:

GRETA: Ningun noticia nobo cu bo por conta nos di dje?

BETH: Mi ta kere cu e unico desaroyo nobo ta detencion di e di cuatro detenido, esta Steve Croes.

GRETA: Bo ta haya tende di e arestonan aki prome cu nan socede, of net ora nan ta arestandonan, of ora cu prensa haya sa?

BETH: Wel, Greta, lagami bisa cu si, mi ta worde avisa encuan to e arestonan aki, prome cu prensa worde poni na altura.

GRETA: Tog Polis ta dunabo suficiente informacion sin cu nan ta perhudica e investigacion?

BETH: Te asina leu cu mi sa, e contesta ta si.

GRETA: Bo ta buscando tur dia pa Natalee?

BETH: Si, nos ta haciendo esey. Mi famia ta buscando, y djis poniendo mi cara den negoshinan pa nan conocemi mas na nivel personal, esey ta hopi importante pa mi. Mi ta mantene esey cu comunidad pasobra mi sa cu nan por ta instrumental pa yudami haya informacion di Natalee.

GRETA: Unda boso ta haciendo e buskeda, pasobra esaki ta un isla chikito di 97.000 hende?

BETH: E tata tin un mapa di Aruba, y nos a reparti esaki den seccion. Y cada

biaha nos ta bay un seccion, y elimina uno pa uno. E ta fastioso y tambe imposible.

GRETA: Cuanto dia bo ta caba na Aruba?

BETH: Ya mi tin 21 dia aki.

GRETA: Con bo ta haci esaki?

BETH: Mi mester haci esey Greta. Mi mester! Nos a yea hopi leu caba, nos ta hopi profundo den dje y no ta cuestion di bira bay back. Nos lo no bandona.

GRETA: Con nos por yudabo?

BETH: Cualquier informacion cu boso por haya, mi ta kere cu lo ta grandi pa e famia, e.o. papia cu cualquier conexion cu boso por tin, lo ta grandi.

GRETA: Kico bo ta pensa cu e tata di Joran a worde interroga den fin di siman?

BETH: Mia pensa cu esey tabata un idea fabuloso y mi ta spera di por mira mas di esey.

GRETA: Bo ta kere cu esey a dura hopi?

BETH: Absolutamente, si. Mi ta aki desde 30 di Mei pa 11'or di anochi.

GRETA: Bo tin un idea pakico Polis kier papia cu e Tata di Joran?

BETH: No, mi no tin idea, pero mi ta curioso si. Mi ta pura pa haya sa esey.

GRETA: Bo ta haya informacion diariamente di autoridad?

BETH: Si esey ta berdad.

GRETA: Con esey ta socede, nan ta yamabo pa stipula un horario?

BETH: Mi ta haya informacion via e persona di contacto di famia, y awor

tambe via nos abogado cu nos a busca, cu ta haya informacion diariamente, y tambe nos tin un otro persona di contacto di famia, kende ta yuda. Pues, nos ta hayando update tur dia.

GRETA: Bo ta sinti cu boso mester a bay busca un Abogado djis pa haya informacion?

BETH: E motibo pakico e mayornan a dicidi di busca un abogado, ta pasobra por bay "file a joinder for a victimized party." Nos ta bay pa tur cos cu nos por haci, cu e informacion cu nos tin.

GRETA: E di cuatro victima kende ta traha riba Tattoo, bo sa algo di dje?


BETH: No mi no sa! Mi no sa con e ta conecta, y mi ta wardando anciosamente pa sa con e ta conecta.

GRETA: Bo ta desea cu e casonan aki ta mas habri manera na Merca? Kizas e procedimiento Arubano na final lo por resulta mihor cu di nos na Merca. Pero nos lo por tin mas informacion, pasobra e casonan den Corte ta habri. Bo ta kere cu e lo por ta mihor?

BETH: Wel Greta, mi ta spera cu abo por bisami con esaki tipicamente ta cana, pasobra mi no tin ningun experiencia den esaki.

GRETA: Con bo ta logra sobrevivi e dianan aki, aunke bo tin un cara hopi fuerte, y mi sa cu bo no ta bay cas... Con bo ta logra?

BETH: Mi no por haci esaki mi so, y naturalmente nos tin hopi famia y amigo ta bin Aruba, y nan ta bin segun un schedule. Algun di nan a



bin ya pa di tercer vez. Nos lo sigui bin te con hopi cu esey ta necesario.

GRETA: Bo a yega di grita na Polis, pasobra bo no ta haya mas informacion? Mi kiermeen, bo ta parce di ta un muher determina.

BETH: Absolutamente, mi a yega di grita... mi tabatin mi momentonan.

GRETA: E ora nan ta core haci cierto cosnan?

BETH: Si, cosnan ta cuminsa move.

GRETA: Kico bo ta opina di Aruba?

BETH: Mi ta kere cu ciudadanonan di Aruba ta increible, realmente nan ta. Mi ta sinti cu nan tambe ta sinti e dolor cu mi tin. Esaki ta terrible. E ta terrible pa nan, y mi ta sinti sorry pa nan, pasobra mi ta odia cu esaki ta socede. Pero nos mester haya contesta, no ta culpa di ciudadano. Nan ta buscando y mi sa cu tur hende na Arubasa kende taatalee.

GRETA: Boa papia cu cualquier di su amiganan kendenan a mire ultimo na Carlos 'n Charlie's.

BETH: No den persona.

GRETA: Djis un grupo normal di teenager cu a sali pasa pret?

BETH: Absolutamente Greta.

GRETA: Natalee a yega di mira e 3 hobennan aki prome cu e dia ey?

BETH: No segun mi conocimiento, Greta.

GRETA: Pues e prome biaha cu el a mira nan, ta e anochi ey?

BETH: Mi tin poco conocimiento di esey.

Realmente nos no a pasa hopi tempo riba esey, como cu nos sa kende e individuonan ta, y nos kier a djis tuma nan pista y bay dilanti.

GRETA: Tur hende a

enfoca riba e tresnan aki, boso tin pensamiento cu kizas esaki ta e direccion robez cu Polis ta tuma?

BETH: Absolutamente no, mi ta djis pensa cu e lo sigui aumenta den e direccion cu e ta tumando awor.

GRETA: Pues bo no tin duda cu e tresnan aki sa di algo.

BETH: Absolutamente mi no tin ningun duda alguno.

GRETA: Esaki ta basa riba evidencia of djis intuicion di un mama?

BETH: Mi ta kere cu e momento cu nos a yega Aruba y nos a bin den contacto cu e individuonan aki, dia 31 di Mei di l'or di madrugada te 4'or di madrugada, mi tabata sa inmediatamente! Mi tabata sa inmediatamente!

GRETA: Abo tabatin contacto personalmente pues cu e tres sospechosonan aki?

BETH: Sigur cu si.

GRETA: Kico nan a bisabo?

BETH: Wel, e tabata hopi limita, pero Joran van der Sloot a acerca e vehiculo den cual mi ta sinta. E tabatin e actitud "condescending", arrogante, y poderoso di un hoben di 17 aña cu hamas mi a yega di mira.

GRETA: Kico el a bisa?

BETH: Ora el a acerca e auto, ami tabatin un potret di Natalee den mi man. Mi a bise: "I want my daughter, and I want her now". E ora Joran a djis hala su cabez atras y a dal su pecho bisando: "What do you want me to do? What do you want me to do?"

Texto pa cortesia
Fox News Channel.
(Tur derecho reserva)